

Bosna i Hercegovina
Federacija Bosne i Hercegovine
JU TERAPIJSKA ZAJEDNICA
- KAMPUS KANTONA SARAJEVO
SARAJEVO

STATUT
Javne ustanove Terapijska zajednica – Kampus Kantona Sarajevo

Sarajevo, april 2005. godine

Na osnovu člana 27. stav 1. alineja 1., a u vezi sa članom 37. stav 1. Zakona o ustanovama („Službeni list RBiH“, br. 6/92, 8/93 i 13/94) i člana 15. Odluke o osnivanju Javne ustanove Terapijska zajednica – Kampus Kantona Sarajevo („Službene novine Kantona Sarajevo“ br. 28/03, 21/04-Ispravka i 10/05), Upravni odbor Javne ustanove Terapijska zajednica – Kampus Kantona Sarajevo je, na sjednici održanoj dana 04.04 2005. godine, donio

STATUT

Javne ustanove Terapijska zajednica – Kampus Kantona Sarajevo

I OSNOVNE ODREDBE

Član 1.

Statut Javne ustanove Terapijska zajednica – Kampus Kantona Sarajevo (u daljem tekstu: Kampus) sadrži odredbe o: nazivu i sjedištu Kampusu, osnivaču Kampusu i obavezama prema osnivaču, zastupanju i predstavljanju Kampusu, uslovima i načinu obavljanja djelatnosti, sredstvima za rad i odgovornosti za obaveze u pravnom prometu, odnosu Kampusu prema korisnicima usluga, organu upravljanja, organu rukovođenja, organu kontrole poslovanja Kampusu, drugim organima u Kampusu, uslovima i načinu njihovog izbora i razrješenja, pravima i obavezama u oblasti odbrane, načinu ostvarivanja javnosti rada, ostvarivanju prava, obaveza i odgovornosti zaposlenika, opštim aktima Kampusu i načinu njihovog donošenja i drugim pitanjima koja su od značaja za ostvarivanje prava, obaveza i odgovornosti zaposlenika u Kampusu.

Član 2.

Ovaj statut se donosi u skladu sa Zakonom o ustanovama (u daljem tekstu: Zakon) i Odlukom o osnivanju Javne ustanove Terapijska zajednica – Kampus Kantona Sarajevo (u daljem tekstu: Odluka).

II NAZIV I SJEDIŠTE

Član 3.

Naziv Kampusu je: Javna ustanova Terapijska zajednica - Kampus Kantona Sarajevo.

Član 4.

Sjedište Kampusu je u Sarajevu – Rakovica – iznad sela Kešelji.

Član 5.

Kampus može promijeniti naziv i sjedište samo uz saglasnost Skupštine Kantona Sarajevo.

Član 6.

Kampus u svom radu upotrebljava pečat i štambilj.

Pečat je okruglog oblika, prečnika 50 mm, sa tekstom: Bosna i Hercegovina, Federacija Bosne i Hercegovine, Kanton Sarajevo, JU Terapijska zajednica – Kampus Kantona Sarajevo.

Tekst pečata je ispisan latinicom u koncentričnim krugovima.

Član 7.

Pečatom rukuje i upotrebljava ga direktor Kampusu.

O načinu čuvanja i upotrebe pečata odlučuje direktor Kampusu.

Pečatom može rukovati i upotrebljavati ga i službeno lice Kampusu koje posebnim rješenjem ovlasti direktor Kampusu.

Član 8.

Štambilj Kampusu je pravougaonog oblika sa slijedećim tekstom: Bosna i Hercegovina, Federacija Bosne i Hercegovine, Kanton Sarajevo, JU Terapijska zajednica – Kampus Kantona Sarajevo.

III OSNIVAČ KAMPUSA I OBAVEZE PREMA OSNIVAČU

Član 9.

Osnivač Kampusu je Kanton Sarajevo (u daljem tekstu: Osnivač).

Kampus je osnovan Odlukom Skupštine Kantona Sarajevo o osnivanju Javne ustanove Terapijska zajednica – Kampus Kantona Sarajevo („Službene novine Kantona Sarajevo“, br 28/03, 21/04 – Ispravka i 10/05).

Član 10.

Obaveze Kampusu prema Osnivaču su da:

- pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom);
- pribavi saglasnost Osnivača na Statut Kampusu,
- Osnivaču podnosi na uvid Program rada i Plan rada Kampusu,
- da jednom godišnje Osnivaču podnosi Izvještaj o poslovanju Kampusu, te Finansijski plan i godišnji obračun, kao i Izvještaj o finansijskom poslovanju,
- druge obaveze utvrđene zakonom i ugovorom zaključenim između Osnivača i Kampusu.

IV DJELATNOST – NAČIN I USLOVI OBAVLJANJA DJELATNOSTI

Član 11.

Kampus svoju djelatnost obavlja kao samostalna javna ustanova u državnoj svojini, a u okviru ovlaštenja utvrđenih Zakonom, odlukama Skupštine Kantona Sarajevo, ovim statutom i drugim opštim aktima.

Član 12.

Kampus je upisan u sudski registar kod Kantonalnog suda u Sarajevu, Rješenjem broj: UF/I – 1755/04 od 10.12.2004. godine.
Kampus ima svojstvo pravnog lica.

Član 13.

Šifra djelatnosti Kampusa upisana prema Odluci o standardnoj klasifikaciji djelatnosti u Federaciji Bosne i Hercegovine („Službene novine Federacije BiH“, br. 28/99, 36/98 i 47/98), obuhvata slijedeće razrede:

- 85.3185.310 – Socijalna zaštita u ustanovama sa smještajem osoba ovisnih o drogi,
- 85.121 – Djelatnost medicinske prakse,
- 52.21.52210 – Trgovina na malo voćem i povrćem.

Član 14.

Osnovna djelatnost Kampusa je obezbjeđenje socijalno zdravstvene zaštite osoba ovisnih o drogi u cilju smanjenja somatskih šteta i psihičkih posljedica usljed dugotrajne upotrebe droga, što podrazumijeva:

- psihosocijalnu rehabilitaciju (socijalna terapija, porodična terapija, saradnja sa timom, saradnja sa lokalnom zajednicom),
- socijalnu reintegraciju u zajednici na ovaj način rehabilitiranih ovisnika o drogama,
- okupacioni tretman – radna terapija (bibliotekarstvo, art terapija, muziko terapija, rad na kompjuteru, zanatske radionice, stolarija sa drvopreradivačkim djelatnostima, limarija, elektro radionica, tekstilna radionica, krojačnica, tkaonica, radionica zidarsko molerskih poslova, poljoprivredne djelatnosti, cvjećarstvo, povrtlarstvo, voćarstvo, stočarstvo i peradarstvo, kulinarske aktivnosti, sportske aktivnosti prema afinitetima, svi poslovi održavanja Kampusa),
- saradnja sa institucijama koje se bave prevencijom, prevashodno tercijarne prevencije ovisnosti o drogama i unapređenja mentalnog zdravlja,
- poduzimanje posebnih mjera i programa za sprečavanje i rano otkrivanje psihotičnih stanja (stručno metodološka pomoć),
- zdravstveno prosvječivanje korisnika.

Kampus kao osnovni metod svog rada koristi socioterapijske, psihoterapijske, radno rekreativne, okupacione i druge aktivnosti u kompleksnijoj rehabilitaciji ovisnika o drogi.

Član 15.

Poslovi i zadaci u okviru Kampusa obavljaju se u unutrašnjim organizacionim jedinicama i to:

- Služba za pravne, finansijske, administrativno tehničke i opšte poslove,
- Služba za stručno - metodološko analitičke poslove,
- Služba za socijalno zdravstvenu zaštitu osoba ovisnih o drogi.

Član 16.

Unutrašnje organizacione jedinice nemaju svojstvo pravnog lica.

Član 17.

Kampus može mijenjati i proširivati svoju djelatnost o čemu odluku donosi Skupština Kantona Sarajevo.

V ZASTUPANJE I PREDSTAVLJANJE KAMPUSA

Član 18.

U obavljanju poslova u okviru djelatnosti Kampus zastupa i predstavlja direktor.
U smislu stava 1. ovog člana direktor zaključuje sve ugovore i obavlja druge pravne radnje, te zastupa Kampus pred sudovima i drugim organima i organizacijama, bez ograničenja.

Član 19.

Direktor Kampusa može ovlastiti drugo lice za poduzimanje pojedinačno određenih radnji.

Direktor Kampusa može ovlastiti rukovodioce unutrašnjih organizacionih jedinica za potpisivanje određenih akata upućenih nadležnim organima, ustanovama, institucijama i korisnicima usluga, a koji se donose u okviru djelokruga rada tih organizacionih jedinica.

Član 20.

Direktora Kampusa u njegovoj odsutnosti zamjenjuje lice koje on ovlasti, o čemu donosi poseban akt u pisanoj formi – ovlaštenje.

VI ODNOS KAMPUSA PREMA KORISNICIMA USLUGA

Član 21.

Kampus u radu sa korisnicima usluga organizuje i provodi pojedinačni i timski rad i tretman u kojem učestvuju: socijalni radnici, psiholozi, sociolozi, radni i okupacioni terapeuti, sportski treneri i teolozi, po potrebi liječnici, te rehabilitirani bivši ovisnici i volonteri.

Član 22.

U stručnom i timskom radu Kampusu primjenju se socioterapijske, psihoterapijske, radno rekreativne, okupacione metode, kao i druge aktivnosti u kompleksnoj rehabilitaciji ovisnika o drogama, koristeći se profesionalnom etikom, uz strogo pridržavanje osnovnih načela poslovne tajne, a sve u cilju zaštite ličnosti svojih korisnika.

Član 23.

Kampus u svom radu ne koristi medicinski model nego se za takve potrebe služi postojećom mrežom zdravstvenih ustanova u Kantonu Sarajevo, a naročito centrima za mentalno zdravlje.

Kampus usko saraduje sa pripadajućom socijalnom službom, nevladinim organizacijama, vaspitno-obrazovnim institucijama, kulturnim, umjetničkim i sportskim društvima, kao i vjerskim institucijama.

VII SREDSTVA ZA RAD I ODGOVORNOST ZA OBAVEZE U PRAVNOM PROMETU

Član 24.

Kampus se u obavljanju svoje djelatnosti finansira iz sredstava:

- Budžeta Kantona Sarajevo, najduže do 5 (pet) godina od osnivanja Kampusu,
- pravnih i fizičkih lica na osnovu ugovora kojim se regulišu međusobna prava i obaveze,
- iz sredstava koje Kampus ostvari od obavljanja vlastite djelatnosti,
- iz donacija,
- iz drugih izvora na način i pod uslovima utvrđenim zakonom, aktom o osnivanju i

Statutom Kampusu, odnosno na osnovu posebnih ugovora.

Član 25.

Sredstava za rad u Kampusu se raspoređuju i koriste na osnovu Finansijskog plana, a njihova konačna raspodjela vrši se završnim obračunom Kampusu.

Član 26.

Sredstva za rad raspoređuju se na:

1. Tekuće izdatke

- plaće i naknade troškova zaposlenih (bruto plaće i naknade, naknade troškova zaposlenih),
- doprinosi poslodavca i ostali doprinosi (doprinosi poslodavca),
- izdaci za materijal i usluge (putni troškovi, izdaci za energiju, izdaci za komunalne usluge, nabavka materijala, izdaci za usluge prevoza i goriva, unajmljivanje imovine i opreme, izdaci za tekuće održavanje, izdaci osiguranja, bankarskih usluga i usluga platnog prometa, ugovorene i druge posebne usluge) .

2. Nabavka stalnih sredstava (izdaci za nabavku stalnih sredstava, nabavka opreme).

Član 27.

Kampus je odgovoran Osnivaču za rezultate svog rada i djelovanja u svim oblastima za koje je nadležan.

Za obaveze u pravnom prometu prema trećim licima Kampus odgovara svom svojom imovinom.

Osnivač Kampusa odgovara za obaveze Kampusa do visine osnivačkog uloga.

Član 28.

Višak prihoda nad rashodima Kampus koristi za obnavljanje i razvoj djelatnosti, ako aktom o osnivanju nije drugačije određeno.

Kada je Osnivač odgovoran za obaveze Kampusa, dužan je da:

- pokrije višak rashoda nad приходima Kampusa u roku od 60 dana od dana usvajanja godišnjeg obračuna,

- razriješi predsjednika i članove Upravnog odbora, ako je Kampus za dvije uzastopne godine u godišnjem obračunu iskazao višak rashoda nad приходima.

U slučaju iz alineje 2. stava 2. ovog člana, Upravni odbor je dužan da razriješi direktora Kampusa.

VIII ORGAN UPRAVLJANJA

Član 29.

Organ upravljanja u Kampusu je Upravni odbor.

Upravni odbor se sastoji od 7 (sedam) članova i čine ga predstavnici:

- osnivača – 3 (tri) člana,

- Ministarstva za rad, socijalnu politiku, raseljena lica i izbjeglice Kantona Sarajevo – 1 (jedan) član,

- Ministarstva zdravstva Kantona Sarajevo – 1 (jedan) član,

- iz reda roditelja – 1 (jedan) član,

- iz reda zaposlenika – 1 (jedan) član.

Predsjednika i članove Upravnog odbora imenuje i razrješava Vlada Kantona Sarajevo u skladu sa važećim zakonskim propisima.

Predsjednik i članovi Upravnog odbora imenuju se na period od 4 (četiri) godine i nakon isteka vremena na koje su imenovani mogu biti ponovo imenovani.

Direktor Kampusa ne može biti predsjednik niti član Upravnog odbora.

Član 30.

Vlada Kantona Sarajevo može razriješiti predsjednika i članove Upravnog odbora i prije isteka vremena na koje su imenovani, ako se utvrdi da su odgovorni za neuspješan i nezakonit rad Kampusa, te ukoliko se ne prihvati Izvještaj o radu Kampusa od strane Vlade Kantona Sarajevo i Skupštine Kantona Sarajevo.

Član 31.

Nadležnost Upravnog odbora, kao organa upravljanja u Kampusu, je slijedeća:

- donošenje Statuta Kampusu, Pravilnika o unutrašnjoj organizaciji i sistematizaciji, Pravilnika o radu i drugih opštih akata Kampusu u skladu sa zakonom i kolektivnim ugovorom,
- imenovanje i razrješenje direktora i vršioca dužnosti direktora,
- utvrđivanje planova rada i razvoja,
- donošenje godišnjeg Programa rada,
- donošenje Finansijskog plana i usvajanje godišnjeg obračuna,
- odlučivanje o svim pitanjima obavljanja djelatnosti radi koje je Kampus osnovan, ako zakonom nije utvrđeno da o određenim pitanjima odlučuje drugi organ,
- usmjeravanje, kontrolisanje i ocjenjivanje rada direktora,
- rješavanje svih pitanja odnosa sa Osnivačem,
- podnošenje Osnivaču najmanje jednom godišnje Programa rada, Izvještaja o radu sa Izvještajem o finansijskom poslovanju Kampusu,
- i drugi poslovi u skladu sa zakonom i ovim statutom.

Član 32.

Upravni odbor je odgovoran Osnivaču za rezultate rada Kampusu.

Član 33.

Upravni odbor donosi odluke većinom glasova svih članova Upravnog odbora, ukoliko zakonom i pravilima odlučivanja o pojedinim pitanjima nije određena druga kvalifikovana većina.

Član 34.

Visinu naknade za rad u Upravnom odboru utvrđuje Vlada Kantona Sarajevo na prijedlog Upravnog odbora.

Član 35.

Bliže odredbe o radu Upravnog odbora utvrđiće se Poslovníkom o radu Upravnog odbora.

IX ORGAN RUKOVOĐENJA

Član 36.

Organ rukovođenja u Kampusu je direktor.

Član 37.

Direktora Kampusu imenuje Upravni odbor na osnovu konkursa koji se objavljuje u javnim glasilima, a uz prethodno pribavljenu saglasnost Vlade Kantona Sarajevo.

Lice koje nije dobilo saglasnost za direktora od strane Vlade Kantona Sarajevo, ne može po ponovnom konkursu biti imenovano za direktora, odnosno vršioca dužnosti direktora.

Izuzetno, u uslovima neposredne ratne opasnosti ili rata, direktora Kampusu imenuje i razrješava Vlada Kantona Sarajevo.

Član 38.

Za direktora Kampusu može biti imenovano lice koje, pored zakonom utvrđenih opštih uslova ispunjava i posebne uslove a to su: VII stepen stručne spreme ili VI stepen stručne spreme, najmanje tri godine radnog iskustva u struci, odgovarajuće organizatorske sposobnosti i da ima program rada i razvoja Kampusu.

Prednost pri izboru kandidata za direktora Kampusu će imati kandidati sa VII stepenom stručne spreme.

Član 39.

Mandat direktora traje 4 (četiri) godine.

Isto lice može biti imenovano za direktora najviše u trajanju od dva mandata.

Direktor može biti razriješen dužnosti i prije isteka roka na koji je imenovan i to:

- na lični zahtjev,
- ako se utvrdi da je direktor odgovoran za neuspješan i nezakonit rad Kampusu,
- u drugim slučajevima utvrđenim zakonom i Statutom,

Član 40.

Prijedlog za prijevremeno razrješenje direktora iz razloga iz alineja 2. i 3. člana 39. može dati osnivač, odnosno Vlada Kantona, predsjednik odnosno član Upravnog ili Nadzornog odbora.

Član 41.

Direktor Kampusu vrši slijedeće poslove i zadatke:

- organizuje i rukovodi radom Kampusu,
- zastupa i predstavlja Kampus prema trećim licima,
- predlaže Upravnom odboru mjere za efikasno i zakonito obavljanje djelatnosti radi koje je Kampus osnovan,
- predlaže Upravnom odboru opšte akte Kampusu,
- predlaže Upravnom odboru osnove i planove razvoja,
- izvršava odluke Upravnog odbora,
- odlučuje o pravima, obavezama i odgovornostima zaposlenika iz radnog odnosa,
- podnosi Upravnom odboru Izvještaj o radu Kampusu, kao i Izvještaj o finansijskom poslovanju Kampusu,
- vrši i druge poslove u skladu sa zakonom i Statutom.

Član 42.

Direktor je naredbodavac za izvršenje Finansijskog plana i odgovoran je Upravnom odboru za rezultate rada i finansijsko poslovanje Kampusu.

Član 43.

U slučaju da se ne izvrši imenovanje direktora Upravni odbor će, bez konkursa, imenovati vršioca dužnosti direktora iz redova stručnih radnika zaposlenih u Kampusu.

Vršilac dužnosti direktora ima sva prava i dužnosti direktora.

Vršilac dužnosti direktora može rukovoditi Kampusom do imenovanja direktora, a najduže šest mjeseci od dana imenovanja za vršioca dužnosti.

X ORGAN KONTROLE POSLOVANJA

Član 44.

Organ kontrole poslovanja u Kampusu je Nadzorni odbor.

Nadzorni odbor Kampusu ima tri člana, od kojih se najmanje jedan član imenuje iz reda zaposlenika Kampusu.

Predsjednika i članove Nadzornog odbora imenuje i razrješava Vlada Kantona Sarajevo.

Predsjednik i članovi Nadzornog odbora imenuju se na period od 4 (četiri) godine i mogu poslije isteka mandata biti ponovo imenovani.

Član 45.

Nadležnost Nadzornog odbora je da:

- analizira izvještaje o poslovanju Kampusu,
- obavlja nadzor nad upotrebom sredstava za rad,
- pregleda godišnji izvještaj o poslovanju i godišnji obračun Kampusu,
- pregleda i provjerava zakonitost i urednost vođenja poslovnih knjiga Kampusu,
- izvještava osnivača, Upravni odbor i direktora Kampusu o rezultatima nadzora.

Član 46.

Visina naknade za rad u Nadzornom odboru utvrđuje se na način propisan članom 34. ovog statuta.

XI STRUČNI KOLEGIJ

Član 47.

Stručni kolegij je stručni organ Kampusu koji se obrazuje radi razmatranja i zauzimanja stavova o stručnim i drugim važnim pitanjima iz djelokruga rada Kampusu.

Stručni kolegij čine direktor i rukovodioci unutrašnjih organizacionih jedinica.

Član 48.

Stručni kolegij razmatra:

- značajnija pitanja iz djelokruga rada Kampusa koja se odnose na provođenje aktuelne politike Skupštine Kantona Sarajevo i načelnih stavova Vlade Kantona Sarajevo, te izvršavanje zakona i opštih akata,

- pitanja u vezi sa ostvarivanjem funkcije Kampusa, unapređenjem rada, kadrovska pitanja, pitanja o materijalnim i drugim uslovima rada kao i druga pitanja značajna za rad i funkcionisanje Kampusa;

- prednacrti i nacrti zakona i drugih opštih akata i propisa koje Kampus priprema,

- nacrti i prijedloge propisa koji se Kampusu dostavljaju na mišljenje,

- Program rada Kampusa i izvršenje Programa rada,

- druga pitanja za koja direktor ocijeni da ih treba razmatrati na sjednicama Stručnog kolegija.

Član 49.

Stručni kolegij saziva i njegovim radom rukovodi direktor Kampusa.

O radu Stručnog kolegija vodi se zapisnik u koji se unose pitanja koja su razmatrana na sjednici i doneseni zaključci.

Materijal za sjednice Stručnog kolegija pripremaju članovi kolegija ili izvršioци koje za to zaduži direktor.

Član 50.

Direktor Kampusa može za proučavanje i obradu složenijih pitanja formirati i druge stručne i konsultativne organe, radne grupe i komisije.

O formiranju stručnih i konsultativnih organa, radnih grupa i komisija, rješenje donosi direktor.

Član 51.

Za članove povremenih stručnih komisija, grupa i radnih tijela, pored zaposlenika Kampusa, a prema ukazanoj potrebi, mogu se angažovati i lica koja nisu u radnom odnosu u Kampusu.

Rješenjem o obrazovanju tijela iz stava 1. ovog člana koje donosi direktor, utvrđuje se i visina naknade članovima pomenutih tijela, kada je to potrebno.

XII PRAVA I OBAVEZE U OBLASTI ODBRANE

Član 52.

U oblasti odbrane Kampus vrši poslove i zadatke koji su mu stavljeni u nadležnost zakonskim propisima i drugim aktima kao i planovna odbrane koje su utvrdili nadležni organi.

Član 53.

Kampus, u skladu sa posebnim propisima, donosi Plan organizovanja i djelovanja Kampusa u ratu, kojim se utvrđuje organizacija i način izvršavanja zadataka utvrđenih u Planu odbrane Kantona, odnosno Planu odbrane Bosne i Hercegovine.

XIII OPŠTI AKTI

Član 54.

Osnovni opšti akt Kampusa je Statut Javne ustanove Terapijska zajednica – Kampus Kantona Sarajevo (u daljem tekstu: Statut).

Statut, njegove izmjene i dopune donosi Upravni odbor.

Saglasnost na Statut Kampusa daje Skupština Kantona Sarajevo.

Saglasnost na planove rada i razvoja i godišnji program rada Kampusa daje Vlada Kantona Sarajevo.

Član 55.

Ostali opšti akti koje Kampus mora imati su: Pravilnik o unutrašnjoj organizaciji i sistematizaciji, Pravilnik o radu i Pravilnik o internim kontrolama.

Opštim aktima iz stava 1. ovog člana se na opšti način bliže uređuju međusobna prava, obaveze i odgovornosti svih zaposlenika u Kampusu, unutrašnja organizacija i sistematizacija, pojedini segmenti rada Kampusa i zaštita imovine Kampusa u skladu sa zakonom i ovim statutom.

XIV NAČIN OSTVARIVANJA JAVNOSTI RADA

Član 56.

Rad Kampusa je javan, izuzev objavljivanja podataka koji predstavljaju službenu i poslovnu tajnu.

Član 57.

Kampus redovno informiše o svom radu osnivača kroz godišnje izvještaje, te kroz kontakte sa Osnivačem putem resornih ministarstava.

Član 58.

Kampus ostvaruje javnost rada i putem stručnih seminara, simpozija, te prezentiranjem radova iz svoje nadležnosti u stručnim časopisima i publikacijama.

Član 59.

Ostvarivanje javnosti rada putem sredstava javnog informisanja vrši se isključivo davanjem informacija od strane direktora Kampusu, odnosno stručnog lica koje za to ovlasti direktor.

XV OSTVARIVANJE PRAVA, OBAVEZA I ODGOVORNOSTI ZAPOSLENIKA

Član 60.

Zaposlenici ostvaruju svoja prava, obaveze i odgovornosti u Kampusu u skladu sa zakonom, Kolektivnim ugovorom, ovim statutom i drugim opštim aktima Kampusu.

XVI NADZOR NAD ZAKONITOŠĆU RADA KAMPUSA

Član 61.

Nadzor nad zakonitošću rada Kampusu vrši Kanton Sarajevo – Ministarstvo za rad, socijalnu politiku, raseljena lica i izbjeglice i Ministarstvo zdravstva.

Član 62.

U vršenju nadzora nad zakonitošću rada, nadležni organ može obustaviti od izvršenja akte Kampusu koji su u nesaglasnosti sa ustavom ili u suprotnosti sa zakonom.

Član 63.

Ako je nadležni organ obustavio od izvršenja akt iz člana 62. ovog statuta, dužan je u roku od osam dana od dana dostavljanja Kampusu rješenja o obustavi, pokrenuti pred Ustavnim sudom Bosne i Hercegovine postupak za ocjenjivanje ustavnosti i zakonitosti obustavljenog akta i o tome obavjestiti Kampusu.

Ako nadležni organ nadzora nad zakonitošću rada Kampusu ne postupi na način iz stava 1. ovog člana, obustavljeni opšti akt može se primjeniti po proteku roka od osam dana od dana dostavljanja Kampusu rješenja o obustavi.

Ako se pojedinačnim aktom Kampusu koji je suprotan zakonu ili drugom propisu donesenom na osnovu zakona ili ovog statuta nanosi šteta Kampusu ili društvenoj zajednici, nadležni javni tužilac može tražiti od nadležnog suda da ukine, odnosno poništi takav akt.

Odredbе stava 3. ovog člana se ne odnose na akte donesene u upravnom postupku i akte po kojima je za konačno odlučivanje zakonom predviđena nadležnost suda.

Član 64.

Ako nadležni organ za nadzor nad zakonitošću rada utvrdi da Kampus ne ispunjava propisane uslove, rješenjem će odrediti rok za otklanjanje nedostataka.

Ako u određenom roku nedostaci ne budu otklonjeni, organ nadležan za nadzor nad zakonitošću rada, rješenjem će zabraniti rad Kampusu i o tome obavijestiti Osnivača.

XVII PRELAZNE I ZAVRŠNE ODREDBE

Član 65.

Opšte akte iz člana 55. ovog statuta Upravni odbor je dužan donijeti u roku od 30 dana od dana stupanja na snagu Statuta.

Član 66.

Izmjene i dopune Statuta Kampusa vrše se po postupku i na način propisan za njegovo donošenje.

Član 67.

Ovaj statut stupa na snagu danom stupanja na snagu Odluke Skupštine Kantona Sarajevo o davanju saglasnosti na Statut Javne ustanove Terapijska zajednica – Kampus Kantona Sarajevo.

Sarajevo, 04.04. 2005. godine
Broj:35/X-02-530-1/05



V. D. PREDsjedNIKA
UPRAVNOG ODBORA

Amra Sarač

Na osnovu člana 4. st. 2. i 3., a u vezi sa čl. 12. i 23. Zakona o visokom obrazovanju ("Službene novine Kantona Sarajevo", broj 9/07 - Prečišćeni tekst), Skupština Kantona Sarajevo na sjednici, održanoj 24. jula 2008. godine, donijela je

ODLUKU

**O POSTOJANJU JAVNOG INTERESA ZA OSNIVANJE
INTERNACIONALNOG BURČ UNIVERZITETA U
SARAJEVU**

Član 1.

Utvrđuje se postojanje javnog interesa za osnivanje Internacionalnog Burč univerziteta u Sarajevu na osnovu Elaborata o društvenoj opravdanosti osnivanja Internacionalnog Burč univerziteta sa sjedištem u Sarajevu.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23727/08
24. jula 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu člana 18. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 8. Zakona o imovini Kantona Sarajevo ("Službene novine Kantona Sarajevo", broj 6/97), Skupština Kantona Sarajevo na sjednici, održanoj dana 24. jula 2008. godine, donijela je

ODLUKU

**O DAVANJU SAGLASNOSTI VLADI KANTONA
SARAJEVO ZA POKRETANJE PROCEDURE ZA
KUPOVINU-PRIBAVLJANJE NEKRETNINA KOJE SE
NALAZE U OTESU**

Član 1.

Daje se saglasnost Vladi Kantona Sarajevo za pokretanje procedure za kupovinu-pribavljanje nekretnina koje se nalaze u Otesu, a što u naravi čini stambena zgrada sagrađena na k.č. 158/105 A površine 933m² i dvorište 187m², te stambena zgrada sagrađena na k.č. 158/106 površine 933 m² i dvorište 187 m², upisane u ZK ul. br. 7696 K.O. Donji Butmir, vlasništvo 1/1 GPA Bosnia-društvo za razvoj i stanogradnje d.o.o. Sarajevo.

Član 2.

Zadužuje se Vlada Kantona Sarajevo da realizuje ovu Odluku u roku od 90 dana.

Član 3.

Nakon usaglašavanja prijedloga elemenata Ugovora o prodaji po osnovu provedene procedure, isti se prije potpisivanja, dostavlja Skupštini Kantona na saglasnost.

Član 4.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-23732/08
24. jula 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu člana 39. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 8. i 9. Zakona o imovini Kantona Sarajevo

("Službene novine Kantona Sarajevo", broj 6/97 i 9/98 - Presuda Ustavnog suda Federacije BiH), Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 9/07 - Prečišćeni tekst i 7/08), Skupština Kantona Sarajevo, na sjednici, održanoj 24. jula 2008. godine, donijela je

ODLUKU

I

Daje se saglasnost Zavodu za izgradnju Kantona Sarajevo da stan predat na upis u Zemljišno-knjižni ured Odsjek KPU u cijlu upisa vlasništva u korist istog, na nekretnini u Sarajevu, ulica Fetaha Bećirbegovića broj 19, sprat III, stan broj 10, površine 60 m², DN broj 15340/08 prenese u vlasništvo šehidskoj majci Zajko Dudi, sklapanjem ugovora o prenosu nekretnine u vlasništvo, bez naknade.

II

Zajko Duda donijetim Rješenjem broj 06-23-19789/08 od 09.07.2008. godine od strane Ministarstva za boračka pitanja Kantona Sarajevo ispunjava zakonske uvjete za dodjelu stana u vlasništvo.

III

Zadužuje se Zavod za izgradnju Kantona Sarajevo da provede notarsku obradu ugovora o prenosu predmetne nekretnine u vlasništvo Zajko Duda, a Ministarstvo za boračka pitanja da snosi troškove navedene obrade.

IV

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-23734/08
24. jula 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

Na osnovu čl. 13. stav 1. tačka e) i čl. 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), člana 15. stav 2. Odluke o osnivanju Javne ustanove Terapijska zajednica - Kampus Kantona Sarajevo ("Službene novine kantona Sarajevo", br. 28/03, 21/04 i 10/05) i člana 161. stav 4. Poslovnika Skupštine Kantona Sarajevo ("Službene novine Kantona Sarajevo", br. 12/05 - Prečišćeni tekst i 7/08), Skupština Kantona Sarajevo na sjednici, održanoj dana 24. jula 2008. godine, donijela je

ODLUKU

**O DAVANJU SAGLASNOSTI NA ODLUKU O
IZMJENAMA I DOPUNAMA STATUTA JAVNE
USTANOVE TERAPIJSKA ZAJEDNICA - KAMPUS
KANTONA SARAJEVO**

I

Daje se saglasnost na Odluku o izmjenama i dopunama Statuta Javne ustanove Terapijska zajednica - Kampus Kantona Sarajevo, broj 35-01-02-181/08 od 10.03.2008. godine.

II

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-23731/08
24. jula 2008. godine
Sarajevo

Predsjedavajući
Skupštine Kantona Sarajevo
dr. Denis Zvizdić, s. r.

IZDAVAČ: Uprava za vanjske odnose i informacione tehnologije
KANTONA SARAJEVO
IZDAVAČEVSKI NAČELNIK: ...



Služba:

Titl:

Broj: 06-01-02-181/08
Sarajevo: 10.03.2008.god.

Na osnovu člana 27. i 28. Zakona o ustanovama („Službeni list RBiH“ broj 8/92, 8/93 i 13/94), člana 31. i 33. Statuta Javne ustanove Terapijska zajednica - Kampus Kantona Sarajevo i Upravni odbor Javne ustanove Terapijska zajednica - Kantona Sarajevo na svojoj 15. sjednici održanoj 10.03.2008. godine d o k o s i

ODLUKU O IZMJENAMA I DOPUNAMA STATUTA JAVNE USTANOVE TERAPIJSKA ZAJEDNICA – KAMPUS KANTONA SARAJEVO

Član 1.

U Statutu Javne ustanove Terapijska zajednica-Kampus Kantona Sarajevo član 30. mijenja se i glasi:

„Vlada Kantona Sarajevo će razriješiti predsjednika i člana Upravnog odbora i prije isteka vremena na koje je imenovan, u slijedećim slučajevima:

- a) na njegov lični zahtjev,
- b) ako se utvrdi da je odgovoran za neuspješan ili nezakonit rad javne ustanove,
- c) ukoliko ne izvršava svoje upravljačke obaveze,
- d) u slučaju da Skupština Kantona Sarajevo ne usvoji izvještaj o radu sa izvještajem o finansijskom poslovanju javne ustanove ako se utvrdi da je do neusvajanja istog došlo usljed nesavjesnog ili nezakonitog rada predsjednika i člana Upravnog odbora,
- e) ako članu Upravnog odbora, imenovanom iz reda stručnih zaposlenika javne ustanove prestane radni odnos u javnoj ustanovi,
- f) u drugim slučajevima u skladu sa zakonom.

U slučaju da dođe prijevremenog razrješenja predsjednika i člana Upravnog odbora Vlada Kantona Sarajevo će istovremeno imenovati novog predsjednika i člana Upravnog odbora na kraći period, najviše dva mjeseca, dok se ne provede zakonom propisan postupak konačnog imenovanja.

Član 2.

Član 39. mijenja se i glasi:

„Mandat direktora traje 4 (četiri) godine i može biti ponovo imenovan. Direktor će biti razriješen i prije isteka mandata za koji je imenovan u slijedećim slučajevima:

- a) ako se utvrdi da je odgovoran za neuspješan ili nezakonit rad javne ustanove,
- b) u slučaju sa Skupština Kantona Sarajevo ne usvoji izvještaj o radu sa izvještajem o finansijskom poslovanju javne ustanove ako se utvrdi da je do neusvajanja istog došlo usljed nesavjesnog ili nezakonitog rada direktora javne ustanove
- c) ako se utvrdi da u svom radu krši propise ili opšte akte javne ustanove ili ne izvršava zakonite odluke Vlade Kantona Sarajevo i Upravnog odbora ili postupa u suprotnosti s njima.

IZ ODLUKE O RAZRJEŠENJU
DIREKTORA JAVNE USTANOVE

TERAPIJSKA ZAJEDNICA –
KAMPUS KANTONA SARAJEVO

kampus

- d) ako svojim nesavjesnim radom prozrokuje javnoj ustanovi veću štetu,
zanemaruje ili nemarno obavlja svoju dužnost, zbog čega je nastala ili se
mogao nastati poremećaj u obavljanju djelatnosti javne ustanove
- na lični zahtjev direktora i
 - u drugim slučajevima predviđenim zakonom

U slučaju razrješenja direktora prije isteka mandata za koji je imenovan, Upravni odbor će raspisati konkurs za imenovanje novog direktora u roku od 30 dana od dana imenovanja vršioca dužnosti direktora.

Član 3.

U članu 46. iza stava 4. dodaje se novi stav 5. koji glasi:
„Imenovanje i razrješenje predsjednika i članova Nadzornog odbora vrši se na isti način i pod istim kriterijima kao i kod Upravnog odbora.“

Član 4.

Ova odluka stupa na snagu danom stupanja na snagu Odluke Skupštine Kantona Sarajevo o davanju saglasnosti na Odluku o izmjeni i dopuni Statuta Javne ustanove Terapijska zajednica – Kampus Kantona Sarajevo.



PREDSJEDNIK
UPRavnog ODBORA
Ehes Bezdrob